



JAVNA ZDRAVSTVENA USTANOVA  
**ZAVOD ZA BOLESTI OVISNOSTI  
ZENIČKO-DOBOJSKOG KANTONA**

**Zenica, Aska Borića 28.**  
Tel. 032 244 544.032 201 320.  
032 201 321. Fax: 032 201 322.  
www.zedo-ovisnost.ba  
e-mail [zdkovisnosti@bih.net.ba](mailto:zdkovisnosti@bih.net.ba)

Broj: 05-37-<sup>1146</sup>/25  
Zenica, 17.07.2025. godine.

Na osnovu člana 69. i 70. Zakona o javnim nabavkama ("Službeni glasnik BiH" broj 39/14, 59/22, 50/24) Vršilac dužnosti direktora Javne zdravstvene ustanove Zavod za bolesti ovisnosti Zeničko-dobojskog kantona, donosi

## O D L U K U

### I

Vrši se odabir ponude ponuđača "**MGM FARM**" D.O.O. KAKANJ, kao najpovoljnije za javnu nabavku lijeka METADON za potrebe Javne zdravstvene ustanove Zavod za bolesti ovisnosti Zeničko-dobojskog kantona (otvoreni postupak javne nabavke, uz namjeru provođenja e-aukcije, tender broj: 01-95/25), i dodjeljuje ugovor za nabavku lijeka METADON sa najpovoljnijom ukupno ponuđenom cijenom **od 89.999,30 KM , bez PDV-a.**

Sa odabranim ponuđačem zaključit će se ugovor na 1 (jednu) godinu, nakon proteka roka od 15 (petnaest) dana od dana kada su svi učesnici obavješteni o ovoj odluci, i to na ukupan iznos ponude od **89.999,30 KM, bez PDV-a**, na jednogodišnjem nivou.

### II

Javna nabavka je provedena putem otvorenog postupka, uz namjeru provođenja e-aukcije, tender broj: 01-95/25.

### III

Ova odluka stupa na snagu danom donošenja.

## Obrazloženje

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj 103/14, 49/23), Komisija za javnu nabavku ROBE – **Lijek Metadon za potrebe JZU Zavod za bolesti ovisnosti Zeničko- dobojskog kantona na period 1 (jedne) godine (tender broj: 1-95/25)** imenovana Odlukom Vršioca dužnosti direktora broj: 05-37-938/25 od 17.06.2025.godine, podnosi Vršiocu dužnosti direktora Zavoda za bolesti ovisnosti Zeničko- dobojskog kantona Izvještaj o provedenom postupku javne nabavke ROBE – **Lijek Metadon za potrebe JZU Zavod za bolesti ovisnosti Zeničko- dobojskog kantona na period 1 (jedne) godine (tender broj: 1-95/25).**

Odlukom Vršioca dužnosti direktora, broj: 05-37-937/25 od 17.06.2025. godine pokrenut je postupak za javnu nabavku ROBE – **metadon za potrebe JZU Zavod za bolesti ovisnosti Zeničko- dobojskog kantona na period 1(jedne) godine (tender broj: 1-95/25),** ukupne procijenjene vrijednosti **90.000,00, na jednogodišnjem nivou, otvorenim postupkom, a u skladu sa članom 19. stav (1) Zakona o javnim nabavkama.**

Otvoreni postupak je odabran za korištenje iz sljedećih razloga:

Članom 19. stav (1) Zakona o javnim nabavkama propisano je da Ugovorni organi iz člana 4.ovog zakona za dodjelu ugovora o javnoj nabavci primjenjuje otvoreni ili ograničeni postupak kao osnovne i redovne postupke. Obzirom da JZU Zavod za bolesti ovisnosti Zeničko- dobojskog kantona spada u ugovorne organe iz člana 4. ZJN, smatramo da su ispunjeni uslovi da se provede otvoreni postupak za javnu nabavku ROBE –Lijek Metadon za potrebe JZU Zavod za bolesti ovisnosti ZDK Zenica na period 1 (jedne) godine (tender broj: 1-95/25) .

**Komisija je na zatvorenom sastanku dana 16.07.2025. godine sa početkom u 09:00 sati utvrdila sljedeće:**

**Dnevni red:**

1. Analiza ponuda, njihove ocjene i poređenja u skladu sa utvrđenim kriterijima, te utvrđivanje prijedloga najpovoljnije ponude.

Komisija je utvrdila sljedeće:

- da je na portalu „E-nabavke“ dana 17.06.2025. godine, objavljeno Obavještenje o nabavci broj: 4221-1-1-95-3-15/25 i tenderska dokumentacija sa namjerom provođenja e-aukcije, te rokom prijema ponuda zakazanim za dan 11.07.2025. godine do 10:00 sati,
- da je sa portala „E-nabavke“ tendersku dokumentaciju objavljenu dana 17.06.2025. godine, preuzelo ukupno 10 (deset) potencijalnih ponuđača,
- da je javno otvaranje ponuda bilo dana 11.07.2025. godine u 12:00 sati,
- da na javnom otvaranju ponuda nisu prisustvovali predstavnici ponuđača,
- da je u predviđenom roku pristigla ukupno 1 (jedna ) ponuda i to ponude ponuđača:
  1. **“MGM FARM “ d.o.o. Kakanj**

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda:

REDNI BROJ OMOTNICE PONUDE	NAZIV PONUĐAČA	CIJENA PONUDE
1	“MGM FARM“ d.o.o. Kakanj	89.999,30 KM bez PDV-a

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izjava:

## 12. USLOVI ZA KVALIFIKACIJU:

### 12.1. Lična sposobnost član 45. Zakona o javnim nabavkama

**Ponuđač je dužan u svrhu dokazivanja lične sposobnosti (član 45. ZJN) dokazati da:**

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti:

- **popunjenu i ovjerenu kod nadležnog organa izjavu koja je sastavni dio tenderske dokumentacije. Izjava ne smije biti starija od 15 dana od dana predaje ponude. Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.**

**Ponuđač koji bude odabran kao najbolji u ovom postupku javne nabavke je dužan dostaviti sljedeće dokaze u svrhu dokazivanja činjenica potvrđenih u izjavi i to:**

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke. Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom . U protivnom će se smatrati da je dao lažnu izjavu.

**Dokaze o ispunjavanju uslova je dužan dostaviti u roku od 5 (pet) dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.**

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe.

Ugovorni organ može na period od 12 mjeseci isključiti iz učešća u postupku nabavke kandidata/ponuđača koji se nađe u bilo kojoj od sljedećih situacija:

- a) ako ima dokaz da je kandidat/ponuđač sklopio sporazum s drugim kandidatom/ ponuđačem kojem je cilj narušavanje tržišne konkurencije;
- b) ako ugovorni organ može dokazati odgovarajućim dokaznim sredstvima da je ponuđač kriv za teški profesionalni propust koji dovodi u pitanje njegov integritet;
- c) ako se utvrde značajni nedostaci tokom provođenja prethodnog javnog ugovora ili prethodnog ugovora sa sektorskim ugovornim organom čija je posljedica bila prijevremeni raskid tog prethodnog ugovora, naknada štete ili druga slična sankcija;
- d) ako je kandidat/ponuđač lažno prikazao činjenice pri dostavljanju podataka potrebnih za provjeru kvalifikacionih i/ili kriterija za dodjelu ugovora, ako je prikrio takve informacije ili nije u stanju priložiti popratne dokumente;
- e) ako se sukob interesa u smislu člana 52. zakona ne može ukloniti drugim, manje drastičnim mjerama."

Rok od 12 mjeseci na koji se može isključiti ponuđača/kandidata računa se od dana donošenja odluke nadležnog organa.

Kandidat/ponuđač kod kojeg su ostvarene osnove za isključenje po gore nabrojanim dokazima koji se mogu predočiti , može dostaviti dokaze ugovornom organu o mjerama koje je preduzeo kako bi dokazao svoju pouzdanost bez obzira na postojanje relevantne osnove za isključenje. Preduzimanje kandidat/ponuđač dokazuje:

- a) plaćanjem naknade štete ili preduzimanjem drugih odgovarajućih mjera s ciljem plaćanja naknade štete prouzrokovane krivičnim djelom ili propustom;
- b) aktivnom saradnjom s nadležnim istražnim organima radi potpunog razjašnjenja činjenica i okolnosti u vezi s krivičnim djelom ili propustom;
- c) odgovarajućim tehničkim, organizacionim i kadrovskim mjerama radi sprečavanja daljnjih krivičnih djela ili propusta.

Mjere koje je preduzeo kandidat/ponuđač ( gore nabrojane) ocjenjuju se uzimajući u obzir težinu i posebne okolnosti djela ili propusta, te je obavezan obrazložiti razloge prihvatanja ili neprihvatanja mjera. Ugovorni organ neće isključiti kandidata/ponuđača iz postupka javne nabavke ako je ocijenjeno da su preduzete mjere primjerene.

Kandidat/ponuđač kojem je pravosnažnom presudom određena zabrana učešća u postupcima javne nabavke na određeno vrijeme nema pravo korištenja mogućnosti dostavljanja dokaza do isteka roka zabrane u državi u kojoj je presuda na snazi."

Ako ugovorni organ ima sumnje o postojanju okolnosti za odbacivanje ili isključenje kandidata/ponuđača, može se obratiti nadležnim organima s ciljem pribavljanja potrebnih informacija u predmetnom postupku.

### **13.OSTALI USLOVI ZA KVALIFIKACIJU**

#### **13.1. Profesionalna sposobnost (čl. 46. ZJN )**

**Ponuđač je dužan u svrhu dokazivanja profesionalne djelatnosti dokazati da je u skladu sa članom 46. ZJN :**

- a) registrovan u odgovarajućim profesionalnim ili drugim registrima u zemlji u kojoj je registrovan osnovali firmu za obavljanje djelatnosti koja je predmet ove nabavke u vrijeme predaje ponude,

**b) upisan u registar veleprometnika lijekova kod Agencije za lijekove i medicinska sredstva BiH.**

U svrhu dokazivanja uslova iz tačke a) ponuđač je dužan dostaviti:

- **aktuelni izvod iz sudskog registra ili izjavu ili potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke u vrijeme predaje ponude - obična kopija**

**Molimo ponuđače da vidno obilježe šifre djelatnosti koja se odnosi na predmetnu nabavku**

U svrhu dokazivanja uslova iz tačke b) ponuđač je dostaviti:

- **važeću dozvolu za promet lijekovima na teritoriji Bosne i Hercegovine koju je izdala Agencija za lijekove i medicinska sredstva BiH. Dokazi se dostavljaju kao obične kopije.**

Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata **u roku od 5 (pet) dana od dana zaprimanja obavještenja o rezultatima ovog postupka javne nabavke.**

**13.2. Ekonomsko-finansijska sposobnost (čl. 47. ZJN BiH)**

**Ponuđač je dužan u svrhu dokazivanja ekonomsko - finansijske sposobnosti ponuđača dokazati da je:**

- Da je glavni transakcijski bankarski račun ponuđača aktivan i solventan,
- Izjava o ispunjenosti uslova iz člana 47. Zakona o javnim nabavkama

**U svrhu dokazivanja uslova ponuđač je dužan dostaviti:**

- potvrdu banke ponuđača ili neke druge finansijske ustanove npr. Centralne banke BiH da ponuđač ima otvoren i solventan račun kod iste i da je ujedno taj račun glavni (naznačiti na potvrdi da je glavni), dostavlja se kao neovjerena kopija originala, s tim da datum izdavanja originala ne može biti stariji od 3 /tri/ mjeseca računajući od dana dostavljanja ponude.
- Izjavu ovjerenu od strane ponuđača, koja je dostavlja u formi **iz Priloga broj 10.** koji je sastavni dio tenderske dokumentacije, koja ne smije biti starija od 15 /petnaest/ dana od dana predaje ponude,

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata **u roku od 5 (pet) dana od dana zaprimanja obavještenja o rezultatima ovog postupka javne nabavke.**

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

**13.3. Tehnička i profesionalna sposobnost (Čl 48. i 49. ZJN BiH)**

**Ponuđač je dužan u svrhu dokazivanja tehničke i profesionalne sposobnosti dokazati da:**

- da su lijekovi koje nudi registrovani kod Agencije za lijekove i medicinska sredstva BiH,
- da ponuđeni lijekovi posjeduju odgovarajuće uvjerenje ili certifikate o kvalitetu izdato od strane organa ovlaštenog za verifikaciju proizvođača (samo ukoliko lijekova traženih javnom nabavkom nema upisanih u registru sredstava kod Agencije za lijekove i medicinska sredstva BiH).

U svrhu dokazivanja uslova iz tačke a) ponuđač je dužan dostaviti obične kopije važećeg dokumenta-rješenja Agencije za lijekove i medicinska sredstva BiH o upisu lijekova u Registar lijekova i medicinskih sredstava u Bosni i Hercegovini.

U svrhu dokazivanja uslova iz tačke b) ponuđač je dužan dostaviti:

- CPP certifikat za ponuđeni lijek,
- CoA certifikat za kvalitet supstance,
- GMP dokaz o dobroj proizvodnoj praksi,

- izjava ponuđača da će uz isporuku lijeka dostaviti ovjerenu kopiju saglasnosti za uvoz lijeka izdatog od strane Agencije za lijekove i medicinska sredstva BiH (originalan dokument).

**NAPOMENA: Primjena uslova za dokazivanja tehničke sposobnosti kandidata pod b), i dokaza traženih za ispunjavanje navedenog uslova primjenjuje se samo ukoliko ne bude ponuđenih medicinskih sredstava-lijekova upisanih u registar kod Agencije za lijekove i medicinska sredstva BiH, a prema aktu navedene Agencije od 22.01.2016.g. Za ponuđače koji ponude medicinsko sredstvo-lijek upisan u registar kod Agencije za lijekove i medicinska sredstva BiH, ne traži se ispunjavanje uslova i dokaza pod b). Ponuđena medicinska sredstva-lijekovi koja nisu registrovana od strane Agencije za lijekove i medicinska sredstva smatrat će se prihvatljivim samo ukoliko na tržištu BiH nema registrovanih medicinskih sredstava istog generičkog sastava i ukoliko ista ne budu ponuđena. Neregistrovana medicinska sredstva-lijekovi će se nabavljati po proceduri i uvjetima utvrđenim Pravilnikom o uslovima za uvoz lijekova i medicinskih sredstava koji nemaju dozvolu za stavljanje u promet u BiH (Službeni glasnik BiH broj 23/11).**

Ukoliko ponudu dostavlja grupa ponuđača, svi članovi grupe dostavljaju zajedno dokaze u smislu ispunjavanja uslova.

#### **13.4. Izjava ponuđača o uslovima isporuke**

U vezi sa uslovima isporuke ponuđač je dužan dostaviti uz ponudu i sljedeće izjave (potpisane od strane ovlaštene osobe ponuđača sa pečatom ponuđača):

- Izjava ponuđača o prihvatanju roka plaćanja, da će se plaćanje za isporučenu robu vršiti bezavansno u roku od 60 (šezdeset) dana od dana prijema fakture na protokol ugovornog organa,
- Izjava ponuđača da će prema narudžbi ugovornog organa da napravi fakturu i ispostavi istu ugovornom organu na plaćanje,
- Izjava ponuđača da prihvata sljedeći način isporuke: da će besplatno skladišti lijek kod isporučioaca, a da se isporuka navedenih lijekova ugovornom organu vrši do isteka važenja ugovora u 2026. godini i to sukcesivno prema potrebama ugovornog organa do konačne isporuke lijekova,
- Izjava ponuđača da se isporuka roba vrši prema potrebama ugovornog organa, počevši najranije nakon potpisivanja ugovora i vrši se najkasnije u roku od 7 (sedam) dana od dana slanja narudžbe ugovornog organa,
- Izjavu ponuđača kojom se obavezuje na nošenje jednomjesečnih zaliha,
- Izjava ponuđača o mjestu isporuke - JZU Zavod za bolesti ovisnosti Zeničko-dobojskog kantona,
- Izjava ponuđača da će kao izabrani ponuđač u roku od 7 (sedam) dana od dana izvršene e-aukcije, Ugovornom organu dostaviti umanjenje cijene po stavkama iz Obrasca za cijenu ponude (na Obrascu za cijenu ponude), za isti procenat koliko iznosi konačno procentualno umanjenje ukupne cijene postignute nakon e-aukcije,
- Izjava ponuđača da će naručioca snabdijevati lijekovima registrovanim kod Agencije za lijekove i medicinska sredstva BiH, u svemu prema datoj ponudi, uvijek istog i provjerenog kvaliteta, sa rokom trajanja robe koji u vrijeme dopreme u skladište naručioca neće biti kraći od 70% ukupnog trajanja lijekova i koji je označen u skladu sa članom 71. Zakona o lijekovima i medicinskim sredstvima,
- Izjava ponuđača daje rok važenja ponude 120 (stotinudvadeset) dana u skladu sa tačkom 22. TD,
- Izjava ponuđača o prihvatanju garancije za dobro izvršenje ugovora u visini od 10% od vrijednosti ugovora u skladu sa tačkom 28. TD,
- Izjava ponuđača o nepromjenjivosti cijena za vrijeme trajanja ugovora,
- Izjava ponuđača da će dostavljati robu u skladu sa tehničkom specifikacijom dostavljenom u Obrascu za cijenu ponude, Prilog broj 2 koja je sastavni dio njegove ponude,
- Izjava ponuđača da će sve isporučene a neupotrijebljene lijekove sa isteklim rokom upotrebe o svom trošku preuzeti od ugovornog organa.
- Izjava o ispunjenosti uslova iz člana 47. stav (1) tačka od a) do d) i stav (4) Zakona o javnim nabavkama BiH potpisana i ovjerena od strane ovlaštene osobe .

#### **PODACI O PONUDI**

##### **14. Sadržaj ponude i način pripreme ponude**

Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćirilicnom pismu. Pri pripremi ponude ponuđač se mora pridržavati zahtjeva i uslova iz tenderske dokumentacije. Ponuđač ne smije mijenjati ili nadopunjavati tekst tenderske dokumentacije.

### **Ponuda mora sadržavati:**

- a) Osnovne podatke o ponuđaču na memorandumu ponuđača (adresa, sjedište, službeni e-mail ponuđača za komunikaciju i dostavu odluka, direktor, ID broj, naziv banke kod koje ima otvoren glavni račun sa brojem istog i sl.),
- b) Obrazac za dostavljanje ponude; **Prilog 1 TD**,
- c) Obrazac za cijenu ponude - **Prilog 2 TD**,
- d) Izjava o ispunjenosti uslova iz člana 45. stav (1) tačaka od a) do d) ZJN- **Prilog 3 TD**, ovjerena od strane nadležnog organa (općinskog organa uprave, suda ili notara),
- e) Obične kopije dokumenata kojima ponuđač dokazuje ispunjenost uslova iz člana 46. ZJN u skladu sa tačkom 13.1. TD,
- f) Obične kopije dokumenata kojima ponuđač dokazuje ispunjenost uslova iz člana 48. i 49. ZJN u skladu sa tačkom 13.3. TD,
- g) Pismena izjava ponuđača iz člana 52. ZJN - **Prilog 4 TD**, ovjerena od strane nadležnog organa (općinskog organa uprave, suda ili notara),
- h) Obrazac povjerljive informacije, **Prilog 5 TD**,
- i) Obrazac izjave o prihvatanju općih i posebnih uslova tenderske dokumentacije, **Prilog 6 TD**
- j) Potpisan i ovjeren Nacrt ugovora, **Prilog 7 TD**,
- k) Obrazac izjave o dostavi garancije za uredno izvršenje ugovora, **Prilog 8 TD**,
- l) Izjave ponuđača o uslovima isporuke iz tačke 13.4 TD,
- m) Obrazac garancije za uredno izvršenje ugovora, **Prilog 9 TD** ukoliko se ponuđač odlučio da dostavi bankarsku garanciju,
- n) Ukoliko ponudu, umjesto lica upisanog u sudski registar, potpisuje ovlašteno lice, potrebno je uz ponudu, dostaviti i original ili ovjerenu fotokopiju punomoći lica ovlaštenog za potpisivanje ponude,
- o) Izjava o ispunjenosti uslova iz člana 47. stav(1) tačka od a) do d) i stav (4) Zakona o javnim nabavkama BiH potpisan i ovjerena od strane ovlaštene osobe - **Prilog 10 TD** .

### **Komisija konstatuje da je ponuđač „MGM FARM“ d.o.o. Kakanj uz ponudu dostavio sljedeću dokumentaciju i to:**

- Saržaj ponude sa popisom dostavljenih dokumenata, popunjen, potpisan i ovjeren od strane ovlaštene osobe ponuđača, od dana 07.07.2025. godine;
- Izjava o osnovnim podacima o ponuđaču, na memorandumu ponuđača, potpisana i ovjerena od strane ovlaštene osobe ponuđača, od dana 07.07.2025. godine;
- Obrazac za dostavljanje ponude, **Prilog broj 1** popunjen, potpisan i ovjeren od strane ovlaštene osobe ponuđača;
- Obrazac za cijenu ponude, **Prilog broj 2**, popunjen, potpisan i ovjeren od strane ovlaštene osobe ponuđača;
- Rješenje Agencije za lijekove i medicinska sredstva BiH broj: 04-07.3-2-662/21 od 04.11.2021. godine kojim se odobrava stavljanje u promet gotovog lijeka METADON ALKALOID, oralni rastvor 10mg/1 ml - smeđa staklena boca sa 1000 ml oralnog rastvora, sa rokom važenja od 02.08.2021. godine do 01.08.2026. godine, kopija potpisana i ovjerena od strane ponuđača;
- Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama BiH, **Prilog broj 3**, popunjena, potpisana i ovjerena od strane Službe za Opću upravu, radne i zajedničke poslove, lokalnu samoupravu i mjesne zajednice Općine Kakanj, od dana 04.07.2025. godine;
- Aktuelni izvod iz sudskog registra Općinskog suda u Zenici, broj: 043-0-RegZ-25-001242 od dana 15.04.2025. godine, kopija ovjerena potpisom i pečatom od strane ovlaštene osobe ponuđača;
- Rješenje Agencije za lijekove i medicinska sredstva BiH, broj: 10-07.12-5-11539-1/20 od 27.04.2021. godine kojim se ponuđaču odobrava obavljanje djelatnosti prometa lijekova na veliko, za aktivnost nabavke skladištenja snadbijevanja i uvoza zaključno sa danom 26.04.2026. godine, kopija ovjerena potpisom i pečatom od strane ovlaštene osobe ponuđača,
- Rješenje o izmjeni rješenja Agencije za lijekove i medicinska sredstva BiH broj: 10-07.12-5-11539-6/23 od 15.12.2023. godine, kojim se mijenjaju tačke 1., 4. i 5. dispozitiva Rješenja broj: 10-07.12-5-11539-1/20 od 27.04.2021. godine, kopija ovjerena potpisom i pečatom od strane ovlaštene osobe ponuđača;
- Rješenje o izmjeni rješenja Agencije za lijekove i medicinska sredstva BiH, broj: 10-07.12-5-11539-5/20 od 27.09.2023. godine, kojim se mijenja odgovorna osoba za prijem i izdavanje lijekova te pregled dokumentacije, kopija ovjerena potpisom i pečatom od strane ovlaštene osobe ponuđača;
- Rješenje o izmjeni rješenja Agencije za lijekove i medicinska sredstva BiH, broj: 10-07.12-5-11539-12/23 od 03.12.2024. godine, kojim se mijenja odgovorna osoba za prijem i izdavanje lijekova te pregled dokumentacije, kopija ovjerena potpisom i pečatom od strane ovlaštene osobe ponuđača;
- Potvrda UniCredit Bank BiH o otvorenom glavnom računu, aktivnosti i solventnosti, potpisana i ovjerena od strane UniCredit Bank BiH, od dana 25.06.2025. godine;
- Izjava o ispunjenosti uslova iz člana 47. stav (1) tačke od a) do d) i stav (4) ZJN, **Prilog broj 10**, popunjena i potpisana od strane ovlaštene osobe ponuđača, od dana 07.07.2025. godine;

- Pismena izjava iz člana 52. Zakona o javnim nabavkama, **Prilog broj 4**, popunjena, potpisana i ovjerena od strane Službe za Opću upravu radne i zajedničke poslove, lokalnu samoupravu i mjesne zajednice Općine Kakanj, dana 04.07.2025. godine;
- Povjerljive informacije - nema povjerljivih informacija, **Prilog broj 5**, potpisano i ovjereno od strane ovlaštene osobe ponuđača, od dana 07.07.2025. godine;
- obrazac izjave o prihvatanju općih i posebnih uslova TD, **Prilog broj 6**, popunjen, potpisan i ovjeren od strane ovlaštene osobe ponuđača, od dana 07.07.2025. godine;
- Nacrt Ugovora, potpisan i ovjeren od strane ponuđača, **Prilog broj 7**, potpisan i ovjeren od strane ovlaštene osobe ponuđača, od dana 07.07.2025. godine;
- obrazac izjave o dostavi garancije za uredno izvršenje ugovora, **Prilog broj 8**, popunjen i potpisan od strane ovlaštene osobe ponuđača, od dana 07.07.2025. godine;
- Izjava ponuđača o prihvatanju roka plaćanja - bezavansno u roku od 60 (šezdeset) dana od dana prijema fakture na protokol Ugovornog organa, potpisana i ovjerena od strane ovlaštene osobe ponuđača, od dana 07.07.2025. godine;
- Izjava ponuđača da će prema narudžbi Ugovornog organa napraviti i ispostaviti fakturu Ugovornom organu na plaćanje, potpisana i ovjerena od strane ovlaštene osobe ponuđača, od dana 07.07.2025. godine;
- Izjava ponuđača da prihvata slijedeći način isporuke: da će besplatno skladištiti lijek kod Isporučioca, a da se isporuka navedenih lijekova Ugovornom organu vrši do isteka važenja ugovora u 2026. godini i to sukcesivno prema potrebama Ugovornog organa do konačne isporuke lijekova, potpisana i ovjerena od strane ovlaštene osobe ponuđača, od dana 07.07.2025. godine;
- Izjava ponuđača da se isporuka roba vrši prema potrebama Ugovornog organa, počevši najranije nakon potpisivanja ugovora i vrši se najkasnije u roku od 7 (sedam) dana od dana slanja narudžbe Ugovornog organa, potpisana i ovjerena od strane ovlaštene osobe ponuđača, od dana 07.07.2025. godine;
- Izjavu ponuđača kojom se obavezuje da će držati na stanju jednomjesečne zalihe, potpisana i ovjerena od strane ovlaštene osobe ponuđača, od dana 07.07.2025. godine;
- Izjava ponuđača o mjestu isporuke - JZU Zavod za bolesti ovisnosti Zeničko-dobojskog kantona, Aska Borića 28, 72000 Zenica, potpisana i ovjerena od strane ovlaštene osobe ponuđača, od dana 07.07.2025. godine;
- Izjava ponuđača da će kao izabrani ponuđač u roku od 7 (sedam) dana od dana izvršene e-aukcije, Ugovornom organu dostaviti umanjenje cijene po stavkama iz Obrasca za cijenu ponude (na Obrascu za cijenu ponude), za isti procenat koliko iznosi konačno procentualno umanjenje ukupne cijene postignute nakon e-aukcije, potpisana i ovjerena od strane ovlaštene osobe ponuđača, od dana 07.07.2025. godine;
- Izjava ponuđača da će naručioca snabdijevati lijekovima registrovanim kod Agencije za lijekove i medicinska sredstva BiH, u svemu prema datoj ponudi, uvijek istog i provjerenog kvaliteta, sa rokom trajanja robe koji u vrijeme dopreme u skladište naručioca neće biti kraći od 70% ukupnog trajanja lijekova i koji je označen u skladu sa članom 71. Zakona o lijekovima i medicinskim sredstvima, potpisana i ovjerena od strane ovlaštene osobe ponuđača, od dana 07.07.2025. godine;
- Izjava ponuđača da je rok važenja ponude 120 (stotinudvadeset) dana u skladu sa tačkom 22. TD, potpisana i ovjerena od strane ovlaštene osobe ponuđača, od dana 07.07.2025. godine;
- Izjava ponuđača o prihvatanju garancije za dobro izvršenje ugovora u visini od 10% od vrijednosti ugovora u skladu sa tačkom 28. TD, potpisana i ovjerena od strane ovlaštene osobe ponuđača, od dana 07.07.2025. godine;
- Izjava ponuđača o nepromjenjivosti cijena za vrijeme trajanja ugovora, potpisana i ovjerena od strane ovlaštene osobe ponuđača, od dana 07.07.2025. godine;
- Izjava ponuđača da će dostavljati robu u skladu sa tehničkom specifikacijom dostavljenom u Obrascu za cijenu ponude, Prilog broj 2 koja je sastavni dio njegove ponude, potpisana i ovjerena od strane ovlaštene osobe ponuđača, od dana 07.07.2025. godine;
- Izjava ponuđača da će sve isporučene a neupotrebljene lijekove sa isteklim rokom upotrebe o svom trošku preuzeti od ugovornog organa, potpisana i ovjerena od strane ovlaštene osobe ponuđača, od dana 07.07.2025. godine;
- Punomoć za potpisivanje i ovjeru ponuda, izjava i drugih dokumenata koji čine ponudu u postupcima javnih nabavki na ime Amela Silajdžić i Adisa Bjelopolja od dana 04.02.2025. godine, ovjerena od strane Službe za Opću upravu, radne i zajedničke poslove, lokalnu samoupravu i mjesne zajednice Općine Kakanj, od dana 04.07.2025. godine.

**Analizom ponude ponuđača „MGM FARM“ D.O.O KAKANJ, utvrđeno je da je ponuda uvezana na način utvrđen tenderskom dokumentacijom, da je ponuđač dostavio sve dokumente, obrasce i izjave tražene tenderskom dokumentacijom o ispunjavanju uslova traženih u pogledu lične, ekonomsko-finansijske, tehničke i profesionalne sposobnosti ponuđača, odnosno da ista ispunjava sve zahtjeve u pogledu opisa predmeta nabavke i tehničkih specifikacija.**

Komisija za lijekove Zavoda za bolesti ovisnosti Zeničko-dobojskog kantona, dostavila je svoje mišljenje, broj: 05-37-1129/25 od dana 16.07.2025. godine, kojim se rukovodila i Komisija za provođenje postupka u dijelu tehničke specifikacije ponuđenih lijekova za ponuđača MGM Farm kojim je konstatovano sljedeće:

- da je dostavljena ponuda prihvatljiva u pogledu oblika, jačine i pakovanja, odnosno opisa predmeta nabavke i tehničke specifikacije,
- da su ponudili registrovan lijek,
- da su ponuđene cijene lijeka u skladu sa maksimalnim dozvoljenim agencijskim cijenama koje su obavezujuće za sve registrovane veleprometnike u BiH.

**Na osnovu navedenog ponuda ponuđača „MGM FARM“ D.O.O KAKANJ je jedina pristigla i prihvatljiva ponuda za Ugovorni organ.**

U tenderskoj dokumentaciji za nabavku roba, **LIJEKOVI metadon za potrebe Javne zdravstvene ustanove Zavod za bolesti ovisnosti Zeničko-dobojskog kantona na period od 1 (jedne ) godine (tender broj: 01-95/25)**, JRJN oznaka predmeta nabavke: **33690000-3 razni lijekovi**, ukupna vrijednost nabavke za lijek metadon iznosi **90.000.000 KM bez PDV-a**, na jednogodišnjem nivou.

Kriteriji za dodjelu ugovora je: **NAJNIŽA** cijena tehnički zadovoljavajuće ponude.

Također, tenderskom dokumentacijom planirano je provođenje e-aukcije.

**E-aukcija neće biti provedena za nabavku lijeka metadon oralni rastvor 10 mg/ml, 1000 ml u boci iz razloga što je pristigla samo jedna ponuda.**

**Komisija je izvršila vrednovanje ponude kako slijedi:**

**Ponudu za nabavku lijeka metadon - oralni rastvor 10 mg/ml, 1000 ml u boci, dostavio je jedan (1) ponuđač i to „MGM FARM“ d.o.o. Kakanj sa ponuđenom cijenom 89.999,30 KM bez PDV-a.**

**Ponuđač je ponudio registrovan lijek kod Agencije za lijekove i medicinska sredstva Bosne i Hercegovine.**

Nakon provjere kvalificiranosti ponuđača utvrđeno je da ponuđač „MGM FARM“ d.o.o. Kakanj ispunjava sve zahtjeve iz TD za nabavku lijeka metadon **oralni rastvor 10 mg/ml, 1000 ml u boci. Ponuda je ocijenjena kao prihvatljiva za Ugovorni organ.**

Obzirom da je jedini ponuđač koji je dostavio ponudu za nabavku lijeka shodno tome neće biti provedena e-aukcija, u skladu sa odredbama Pravilnika o uslovima i načinu korištenja e-aukcije (Službeni glasnik BiH, broj 66/16) i kriterijima za dodjelu ugovora definisanim tenderskom dokumentacijom.

**Ponuđena cijena lijeka ne prelazi maksimalno ponuđenu cijenu lijeka propisanu od strane Agencije za lijekove i medicinska sredstva BiH.**


**Komisija jednoglasno donosi odluku da se Vršiocu dužnosti Direktora predloži odabir ponuđača „MGM FARM“ d.o.o Kakanj kao najpovoljnijeg ponuđača za nabavku roba, lijeka metadon oralni rastvor 10 mg/ml, 1000 ml u boci za potrebe Javne zdravstvene ustanove Zavod za bolesti ovisnosti Zeničko-dobojskog kantona na period od 1 (jedne) godine (tender br. 01-95/25), na ukupnu vrijednost ponude u iznosu od 89.999,30 KM bez PDV-a.**

Sastanak je završen 16.07.2025. u 14:00 sati.

Na osnovu gore navedenog, donesena je Odluka kao u dispozitivu.

**Pouka o pravnom lijeku:**

Protiv ove odluke može se uložiti žalba  
Javnoj zdravstvenoj ustanovi Zavod za bolesti ovisnosti  
u roku od 10 (deset) dana  
od dana prijema iste.

Vršilac dužnosti Direktora  
  
Prim. mr. sci.med. Hassan dr. Awad,  
specijalista neuropsihijatar

